



Broj: 06-02-28849/11  
Sarajevo, 11.11.2011.godine

**PREDMET: Poziv na konsultacije – obavještenje**

Ministarstvo za boračka pitanja Kantona Sarajevo je na svojoj web stranici objavilo radni materijal Pravilnika o kriterijima za obezbjeđenje ukopnog mjesta u Aleji veterana na groblju Vlakovo, pa vas pozivamo da uzmete učešće u konsultacijama, odnosno da svoje prijedloge i sugestije dostavite u roku od 21 dan Ministarstvu za boračka pitanja Kantona Sarajevo na adresu Reisa Džemaludina Čauševića broj 1 Sarajevo ili na e-mail adrese: [belma.adilovic@mbp.ks.gov.ba](mailto:belma.adilovic@mbp.ks.gov.ba) i [mahira.imamovic@mbp.ks.gov.ba](mailto:mahira.imamovic@mbp.ks.gov.ba).

S poštovanjem,

**MINISTAR**

**Doc.dr.Nedžad Ajnadžić**





Na osnovu člana 48. stav 2. Zakona o dopunskim pravima boraca-branitelja Bosne i Hercegovine («Službene novine Kantona Sarajevo», broj 9/07 – Prečišćeni tekst i br. 7/08,33/08 i \_\_\_\_/11),  
Ministar za boračka pitanja Kantona Sarajevo d o n o s i

**P R A V I L N I K**  
**ZA UTVRĐIVANJE PRAVA NA UKOPNO MJESTO U „ ALEJI VETERANA“ U**  
**GROBLJU VLAKOVO**

**POGLAVLJE I – OSNOVNE ODREDBE**

**Član 1.**

( Osnovne odredbe )

Ovim pravilnikom utvrđuju se uvjeti, kriteriji, način obavljanja ukopa i vojne počasti u „ Aleji veterana “ groblja Vlakovo (u daljnjem tekstu : Aleja veterana).

**Član 2.**

( Definisanje korisnika prava )

(1) Pravo na ukop u Aleji veterana ostvaruju:

- a) organizatori otpora;
- b) veterani – prvoborci;
- c) dobrovoljci;
- d) dobitnici ratnih priznanja i odlikovanja.

(2) Dobrovoljcem i organizatorom otpora smatra se pripadnik vojnih jedinica koji je učestvovao u pripremi za odbranu i u odbrani Bosne i Hercegovine u periodu do 19.06.1992.godine, kao i drugo lice koje nije bilo vojni obveznik u vrijeme dobrovoljnog stupanja u Oružane snage i ostao neprekidno u jedinicama do kraja rata ili je ranije demobiliziran od nadležnog organa.

(3) Veteranom se smatra lice koje je stupilo u jedinice Oružanih snaga od 18.09.1991. do 31.12.1992. i ostalo neprekidno do 23.12.1995.godine ili je ranije demobilizirano od nadležnog organa.

(4) Dobitnikom ratnog priznanja i odlikovanja smatraju se lica koja su definisana članom 1. i 2. Zakona o posebnim pravima dobitnika ratnih priznanja i odlikovanja i članova njihovih porodica («Službene novine Federacije Bosne i Hercegovine», br. 70/05, 61/06 i 9/10).





### Član 3.

(Uvjeti za ostvarivanje prava)

(1) Pravo na ukop i grobno mjesto u Aleji veterana imaju lica iz člana 2. Pravilnika ako su bili pripadnici Prvog korpusa ARBiH i pripadnici MUP-a R BiH u zoni odgovornosti Prvog korpusa ARBiH:

- a) poginuli u oslobodilačkom ratu 92.-95. godine, ako su eshumirani i identificirani
- b) umrli, poginuli veterani nakon rata

(2) Izuzetno, Ministar može odobriti ukop pripadnika OS R BiH, bez obzira na uvjete iz stava 1. ovog člana visokom vojnom i državnim zvaničniku, koji ne mogu dobiti grobno mjesto bez naknade, a zaslužni su za odbranu BiH.

### Član 4.

(Definicije pojedinih pojmova)

(1) Vojna počast je aktivnost Oružanih snaga BiH propisana procedurama u Oružanim snagama BiH, koja se odaje veteranima prilikom ukopa i visokim vojnim i državnim zvaničnicima.

(2) Počasna straža je aktivnost Oružanih snaga BiH koja se provodi prilikom ukopa visokog vojnog i državnog zvaničnika. Formira se posebno za svaki pojedinačni slučaj.

(3) Visoki vojni i državni zvaničnik je lice koje je vršilo visoke državne funkcije u Predsjedništvu, Vladi, njenim Ministarstvima R BiH ili je obavljalo visoke komandne i rukovodne štabne dužnosti u OSRBH.

(4) Najviša vojna odlikovanja su najviše rangirana odlikovanja i priznanja koja su kao takva označena u propisima u BiH, FBiH ili nižim nivoima vlasti.

(5) Boračko udruženje je udruženje boraca, veterana, invalida, porodice šehida i poginulih boraca ili slično udruženje koje je historijski i sadržajno povezano i orijentirano na njegovanje tradicije i vojnog naslijeđa ARBiH.

(6) Veteranski buket je položni ili drugi buket uobičajene veličine, sa zastavicom R BiH u obliku lente pričvršćenom na vrhu ili centralnom dijelu buketa (vidnom dijelu buketa).

(7) Počast jedinicom OS BIH je aktivnost Oružanih snaga BiH koja se odaje u skladu sa propisanim procedurama u OSBIH, a povodom značajnih datuma. Jedinica vrši pozdravljanje oružjem – odaje počast prilikom polaganja cvijeća u Aleji veterana.



web: <http://mbp.ks.gov.ba>

e-mail: [minbopi@ks.gov.ba](mailto:minbopi@ks.gov.ba);

Tel: + 387 (0) 33 562-012, Fax: + 387 (0) 33 562-251

Sarajevo, Reisa Džemaludina Čauševića 1





(8) Ukop je obavljanje sahrane, dženaze, pogreba uz vjerski obred ili sahrane na ateistički način sa i bez odavanja vojnih počasti.

## **POGLAVLJE II – NAČIN OSTVARIVANJA PRAVA**

### **Član 5.**

( Podnošenje zahtjeva )

Pripadnost definisana članom 2. tačka 2., 3. i 4. ovog Pravilnika se dokazuje dokumentacijom nadležnog organa.

### **Član 6.**

(Način ostvarivanja prava)

(1) O pravu na ukop, grobno mjesto i način ukopa odlučuje Direktor Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida - Fond memorijala (u daljnjem tekstu: Direktor) odgovarajućim aktom – rješenjem, prije ukopa.

(2) Izuzetno akt - rješenje može biti doneseno 48 sati nakon ukopa o čemu odlučuje Direktor. Odluka Fonda memorijala saopćava se usmeno podnosiocu zahtjeva.

(3) Direktor o zahtjevu po hitnom postupku odlučuje Rješenjem, a koje po žalbi rješava Ministar za boračka pitanja Kantona Sarajevo (u daljem tekstu: Ministar).

### **Član 7.**

(Kome se zahtjev podnosi)

Zahtjev za ostvarenje prava na ukop i grobno mjesto u Aleji veterana podnosi se Fondu Memorijala najmanje 24 sata, izuzetno 12 sati prije ukopa.

### **Član 8.**

(Podnosioci zahtjeva)

(1) Zahtjev za ukop i grobno mjesto u Aleju veterana podnosi porodica, izuzetno bliži srodnici ili boračko udruženje.

(2) Zahtjev se smatra saglasnošću za ukop i grobno mjesto u Aleji veterana.





### **Član 9.**

(Sadržaj zahtjeva)

U zahtjevu za ukop i grobno mjesto u Aleju veterana, podnosilac zahtjeva obavezno navodi svoju odluku o sljedećem:

- a) obavljanje ukopa uz vjerski obred jedne od vjerskih konfesija,
- b) obavljanje ukopa na ateistički ili na drugi način,
- c) obavljanje ukopa uz vojne počasti.

### **Član 10.**

(Potrebna dokumentacija)

Uz zahtjev za ukop i grobno mjesto podnosilac zahtjeva prilaže potrebnu dokumentaciju:

- a) uvjerenje o pripadnosti ARBiH,
- b) dokaz o ratnom priznanju ili odlikovanju,
- c) potvrda o smrti,
- d) fotokopija lične karte umrlog.

### **Član 11.**

(Dopuna dokumentacije)

U slučaju kada je smrt nastupila u neradne dane ili državne praznike, a postoje razlozi za hitnost ukopa, podnosilac zahtjeva dužan je dopuniti dokumentaciju prvi naredni radni dan.

## **POGLAVLJE III – NAČIN OBAVLJANJA UKOPA**

### **Član 12.**

(Saradnja sa KJKP „Pokop“)

Ukop u Aleji veterana obavlja se u suradnji sa javnim preduzećem koje gazduje i upravlja gradskim grobljem „Vlakovo“, KJKP „Pokop“ uz korištenje kapaciteta i usluge preduzeća.

### **Član 13.**

(Procedure prilikom ukopa)

(1) Ukop u Aleju veterana vrši se uz obavljanje vjerskog obreda ili na drugi ateistički način o čemu odlučuje porodica ili podnosilac zahtjeva.





(2) Vojne počasti pripadaju licu u skladu sa Pravilnikom o svečanostima i počastima, broj: 06-02-3-3578/10 od 4.8.2010. godine Ministarstva odbrane BiH ( u daljnjem tekstu: Pravilnik o svečanostima i počastima) i ovim Pravilnikom.

#### **Član 14.**

(Način obavljanja vjerskih obreda)

Obavljanje vjerskog obreda vrši se po pravilima vjerskih zajednica i njima rukovode službenici vjerskih zajednica u BiH svih konfesija, na način karakterističan za ateistički ukop.

### **POGLAVLJE IV – VOJNE POČASTI**

#### **Član 15.**

(Propis za vojne počasti)

Odavanje vojnih počasti veteranima OS RBiH regulisano je propisom Ministra odbrane BiH (Pravilnik o svečanostima i počastima, broj: 06-02-3-3578/10 od 4.8.2010. godine).

#### **Član 16.**

(Način obavljanja počasti)

(1) Odavanje vojnih počasti vrši se jedinicom OS BiH. Vojna jedinica OS BiH počast odaje u skladu sa propisima i pravilima u OS BiH.

(2) Sastav jedinice OS BiH za odavanje vojnih počasti prilikom ukopa, biti će prilagođen tradiciji i vjerskim osjećanjima podnosioca zahtjeva.

#### **Član 17.**

(Saradnja sa OS BIH)

U pripremi, organizaciji i obavljanju ukopa obavezno se ostvaruje suradnja sa Komandom 2. pješadijskog (rendžerskog) puka OSBiH.

#### **Član 18.**

( Način realizacije)

(1) Vojna počast se odaje postrojavanjem jedinice OSBiH, ispaljivanjem počasnih plotuna, predajom zastave Bosne i Hercegovine članu uže porodice, bližem srodniku umrlog ili predstavniku boračkog udruženja i pozdravljanjem oružjem.

(2) Vojnu počast u potpunosti realizuju pripadnici OSBiH.





**Član 19.**  
(Počasna straža)

(1) Sastavni dio vojnih počasti je počasna straža i prevoženje na lafetu vojnim vozilom. O zahtjevu koji se podnosi MO BiH za odobrenje počasne straže i upotrebu lafeta i vojnog vozila, odlučuje Direktor za visoke vojne i državne zvaničnike, pojedine ratne komandante brigada, pukova i nosioce najvišeg ratnog priznanja OS RBiH.

(2) U svim drugim slučajevima mogu se koristiti vozila javnog preduzeća koje gazduje i upravlja grobljem „Vlakovo“.

**Član 20.**  
(Uvjeti za odavanje počasti)

Vojna počast jedinicom OS BiH odaje se licu ukoliko su ispunjeni sljedeći uslovi:

- a) obavljalo dužnost ratnog komadanta samostalnog bataljona, puka, brigade ili višu komandnu dužnost,
- b) imalo lični čin pukovnika ili viši u ARBiH, VFBiH ili odgovarajući čin u MUP-u RBiH,
- c) nosilac najvišeg ratnog priznanja AR BiH- MUP-a RBiH,
- d) i drugim licima ukoliko to odobri Ministarstvo odbrane BiH.

**POGLAVLJE V – PROTOKOLI I ODAVANJE POČASTI**

**Član 21.**  
(Troškovi ukopa)

Troškovi ukopa regulisani su članom 46. stav 2. Zakona o dopunskim pravima boraca-branitelja BiH, («Službene novine Kantona Sarajevo», broj 9/07 – Prečišćeni tekst i br. 7/08,33/08 i \_\_ / 11).

**Član 22.**  
(Isticanje zastava)

U Aleji veterana na vidnom mjestu na jarbolu ističu se zastave:

- a) na ulazu u Aleju veterana Zastava BiH i Zastava RBiH
- b) u Aleji u centralnom dijelu Zastava AR BiH i Zastava 1. Korpusa AR BiH

**Član 23.**  
(Predaja zastave)

Ministarstvo obezbjeđuje zastavu BiH koja se predaje trajno porodici pri obavljanju ukopa i veteranski buket koji se polaže nakon ukopa.





**Član 24.**

(Protokol povodom praznika)

Odavanje počasti jedinicom OS BiH u Aleji veterana može se vršiti u povodu važnih praznika (Dan ARBiH, Dan 1. Korpusa ARBIH i sl. ), polaganjem cvijeća u Aleji veterana i na Spomeniku mira na groblju Vlakovu.

**Član 25.**

(Neodavanje vojnih počasti)

Odavanje vojnih počasti jedinicom Oružanih snaga OS BiH ne može se vršiti licu ukoliko postoji potvrđena optužnica ili presuda Međunarodnog krivičnog suda ili sudova u BiH.

**Član 26.**

(Nadgrobnni spomenici)

Nadgrobnni spomenici u Aleji veterana podižu se u skladu sa usvojenim Idejnim rješenjem veteranskih nišana, a podiže ih Fond Memorijala.

**POGLAVLJE VI – ZAVRŠNE ODREDBE**

**Član 27.**

(Stupanje na snagu)

Ovaj pravilnik stupa na snagu danom objave u „Službenim novinama Kantona Sarajevo“.

Broj:  
Sarajevo,

**MINISTAR**

**Doc.dr.Nedžad Ajnadžić**

